

- bum رغى bibit et desideravit huic rei bene convenit. Ab his, de quibus modo egimus, differunt imagines quae in omnibus Indiae centralis regionibus tempore frigido conspiciuntur et Seekote h. e. शीतकोट frigoris castellum et Desasûr, देशसुर (?) regionis omen vocantur. — Proverbialis videtur locutio: cornu leporis capere de velocitate leporis simul et de re nihili desumpta, (cf. *Vairâg.* 99.) मृगशृङ्ग dorcadis cornu in manu quidem gestant devoti (*Raghuo.* 9, 17.) sed hoc absonum esset in hoc nostro loco. — Verbum ब्रह्म speciatim de venatu usurpatur, त्रिषाणं cornu animalium et dentem simul apri et Elephantis significat: त्रिषाणं पशुशृङ्गे स्यात्क्रोडद्विरददन्तयोः *Visvakosh.* Sisupâl. 1, 60. Ceterum pro लभेत Cod. A. et Schol. malunt लभेच्च, sed Medium in hoc verbo usitatius est, et च in distichi initio vix locum habet.
6. Convenit sententia in *Hitop.* p. 74. obvia: centum beneficia vana esse in malis, असत्सु, totidem bona verba in stultis, अब्रुधेषु; coniunguntur enim et invicem ponuntur stulti et mali ut apud Hebraeos. Adde proverbium illud Zabiorum: sapientum praecepta stultis esse inutilia, veluti suis margaritae (*Lorsbach.* Museum für bibl. und Or. Lit. Marb. 1807. p. 37. seq.) et similia Proverbiorum biblicorum loca. समुन्मते correximus e Codd. A. B.; de constructione Infinitivi sanscriti vid. *Boppium* ad *Indralok.* 1, 16. docte disputantem; बाल propr. crinem, hilum h. l. idem quod कोमलं significat. — भेतुं Cod. B. eodem sensu quo हेतुं exhibet; वन्नमणीन् pluralem e Cod. A. et Schol. induximus. *Mimosa Sirisha* Roxb. admodum tenera, ut iam ex verborum contextu apparet, ad Acaciae species pertinet, flores suavissimi, quos auribus imponunt mulieres, spicarum formam referunt, aristam igitur huius floris intelligit poeta (cf. *Chaur.* vs. 22.). In secundo hemistichio चाराम्बुधे: veram habent lectionem A. et Schol., Srir. चार°, Cod. B. क्षीर° quod casu fortuito in nostrum textum irrepsisse dolemus. Est enim: lactis oceanus qui inter maria mythica comparet, sententia vero: mellis guttulâ huius dulcedinem adaugere, (γλαῦν Ἀθήνας) hoc loco et reliquis versus sententiis inepta est. Quamobrem si quis क्षीर° vocabulo veluti क्षीरसिन्धु etiam magnum oceanum, quem Dii turbarunt olim ut nectar pararent (*Kirâtârj.* 9, 28.), in universum vult significari, fortius et significantius salis mare commemorari ideoque tutius चार° lectionem stare contendimus. Ceterum सुक्ते: falso praebent Codd. omnes, scripsi cum Srir. सूक्ते: (e सु + उक्ते:).
7. Sensus exprimit illud: si tacuisses, philosophus mansisses, sed omnino convenit Epigramma *Palladae* 76. (*Anthol. graec.* III. p. 130.):
 Πᾶς τις ἀπαίδευτος φρονιμώτατός ἐστι σιωπῶν,
 Τὸν λόγον ἐγκρύπτων, ὥς πάθος αἰσχρότατον.
 et Iobus 13, 5. Multi omnino sunt Orientales in taciturnitate commendanda, praesertim Hebraei (*Proverb.* 10, 19. 13, 3. 17, 27. 28. 21, 23.), Zabii (*Lorsbach.* l. l. p. 12-19.), Persae (v. *Pendnam.* et *Gulist.* sexcenties) et Arabes, quibus adagium Alidis سكوت اللسان سلامة الانسان semper in ore est. Observandum tamen est omnes hosce populos in loquacitate